

# SCRIPTA

**Numéro Scripta :** 1302

**Auteur(s) :** Robert de Brucourt [chevalier]

**Bénéficiaire(s) :** Bayeux (chapitre cathédral)

**Genre d'acte :** charte

**Authenticité :** non suspect

**Datation :** 1284, septembre

**Lieu d'émission :** Asnières

**Action juridique :** donation

**Langue du texte :** latin

## Analyse

Robert de Brucourt, chevalier, cède, pour 200 livres tournois, et garantit au chapitre de Bayeux toutes ses dîmes à Asnières.

## Tableau de la tradition

### Éditions principales

- a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° DXXVIII, t. 2, p. 276-277.

Texte établi d'après a

Sciant omnes præsentes et futuri quod ego Robertus de Bruecort, miles, dedi, concessi, et penitus dimisi capitulo ecclesiæ Baiocensis, pro salute animæ et antecessorum meorum, et pro ducentis libris Turonensibus, quas a dicto capitulo habui et recepi in peccunia numerata, omnes decimas, tam bladorum quam leguminum, quam etiam rerum aliarum quas habebam et perceperiebam in territorio et parrochia de Asneriis, dyocesis Baiocensis, ratione decimæ ; cessi etiam et penitus dimisi eidem capitulo omne jus et dominium quæ habebam et habere poteram, qualicumque ratione, in decimis antedictis, et in perceptione earumdem : tenendas, et habendas, et in perpetuum possidendas dicto capitulo dictas decimas, ubicumque et in quibuscumque rebus consistant, in parrochia et territorio antedictis, sine reclamatione mei vel hæredum meorum in eisdem decimis de cetero facienda ; ita tamen quod ego Robertus prædictus et hæredes mei tenemur et debemus eidem capitulo dictas decimas, ubicumque et in quibuscumque rebus consistant, cum omni jure et dominio earum, garantizare, deliberare, et deffendere in omnibus erga omnes, vel alibi, in nostra propria hæreditate, ubicumque sit, excambiare, valore ad valorem, si necesse fuerit, competenter, et dictum capitulum super hoc servare indempne, pro denariis antedictis. Et, ut hoc sit firmum et stabile in perpetuum, præsentem cartam sigilli mei testimonio confirmavi. Actum est hoc anno Domini millesimo ducentesimo octogesimo quarto, mense septembri, coram parrochia antedicta.